

LANGABETUAK ALDI BATERAKO KONTRATATZEKO DEIALDIA, PERTSONA BAT BAZTANGO UDALERAKO ZERBITZU ANITZETAKO LANAK EGITEKO

BAZTANGO UDALERAKO ZERBITZU ANITZEKO LANETARAKO LANGABETU GISA IZENA EMANDA DAUDEN PERTSONAK ALDI BATERAKO KONTRATATZEKO DEIALDIAREN OINARRIAK.

1.- Deialdia iragartzen da pertsona bat aldi baterako kontratatzeko 251/2018 EBAZPENari loturik, martxoaren 7koa, Nafarroako Enplegu Zerbitzuko zuzendari kudeatzaileak emana, Nafarroako toki entitateendako diru-laguntzen kontzesioa arautzen duena langabeak kontrata ditzaten interes orokorreko edo sozialeko obra eta zerbitzuak egiteko

Pertsona baten kontratazioa egitea aurreikusten da, 6 hilabeteko iraupena izanen duena.

Lanpostuak D mailako ordainsaria izanen du eta ondorengo zereginak izanen ditu:

- Zerbitzu anitzetako eginkizunetarako: obrak, igeltserotza, udal eraikin eta azpiegituren mantentze-lanak eta basolanekin erlazonaturikoak. Bertzelakoak ere eskatzen ahalko zaizkie, espezializazio zehatza ezinbertzekoa ez izan arren, lanbidearen ezagutza edo trebezia eskatzen dutenak: iturgintza-lanak eta elektrizitate obra txikiak, inausketa lanak, hiri-higiezinen instalazio eta mantentze-lanak.

Hautapen-prozesua gainditzeko gutxieneko puntuazioa lortzen duen izangairik ez balego, Baztango Udalak aurreikusitako kontratazioa bete gabe, bertan behera uzten ahalko du.

Kontratazioak, 251/2018, martxoaren 7koa Nafarroako Enplegu Zerbitzuko zuzendariak emandako diru partira baldintzatua egonen da, partida agortuz gero, kontratazioak ez dira aurrera eramane.

Kontratazioaren hasiera, apirilaren 14rako aurre ikusten da.

Hilabete bateko proba-aldia ezarriko da.

2.- Izangaiek bete beharreko baldintzak

Izangaiek, eskabideak aurkezteko epea bukatzen den egunean, baldintza hauek bete beharko dituzte:

a) Europar Batasuneko estaturen bateko herritartasuna izatea; edo, Europar Batasunak izenpetu eta Espainiako estatuak berretsitako nazioarteko itunen arabera, langileen joan-etorri askea aplikatzekoa zaion estaturen bateko herritartasuna izatea.

Halaber, Europar Batasuneko estatuetako herritartasuna dutenen ezkontideek parte hartu ahal izanen dute, betiere legez bananduta ez badaude; herritartasuna duenaren ondorengoek eta haren ezkontidearen ondorengoek ere —betiere legez bananduta ez badaude—, baldin eta 21 urtetik beherakoak badira edo, adin horretatik gorakoak izanda ere, gurasoen kontura bizi badira, parte hartu ahal izango dute.

b) Hamasei urte beteak izatea.

c) Langabezia egotea eta Nafarroako Enplegu Zerbitzuari atxikitako Enplegu Agentziaren batean enplegu eskatzaile gisa izena emanda egotea.

d) Euskara maila ziurtatzea, C1 maila ahozkoan. Maila ziurtatzeko agiririk izan ezean, mailaketa proba egingen da.

Euskara maila ziurtatzeko agiririk aurkeztu ez dutenek, martxoaren 30ean proba egin beharko dute. Proba baztergarria izanen da.

e) Eskaerak aurkezteko epea bukatzen den egunean, Eskolako graduatuaren titulua edukitzea edo eskuratzeko moduan egotea (titulu hori eskuratzeko eskubideak ordaindu izanaren gordekina.)

Atzerrian lortutako tituluak badira, homologazioaren frogagiria eduki beharko da

f) Bete behar dituen eginkizunetan aritzeko adinako gaitasun fisiko eta psikikoa izatea.

g) Eginkizun publikoetan aritzeko ezgaitu edo gabetua ez egotea eta administrazio publikoren baten zerbitzutik bereizia ez izatea.

h) B1 motako gidabaimena edukitzea.

l) 251/2018, martxoaren 7koa Nafarroako Enplegu Zerbitzuko zuzendariak emandako ebazpenaren arabera, joan den urtean deialdi berdinen dirulaguntzaz Baztango Udalean lanean aritu ez izana.

Espainiako nazionalitatea ez izanik parte hartu nahi dutenek zinpeko aitortpena edo hitzematea aurkeztu beharko dute, adierazteko ez dutela diziplina-zehapenik edo kondena penalik beren estatuko funtzio publikoan sartzea galarazten dienik.

Probak gainditu eta aldi baterako kontrataziorako deituak diren izengaiek betebeharrak guztiak agiri bidez frogatu beharko dituzte hala eskatzen zaienean, kontratua formalizatu aitzinetik.

Aipaturiko agiriak aurkezten ez dituztenak, behar bezala justifikaturiko indar handiko ezintasun kasuetan izan ezik, ezin izanen dira kontratatu eta haien jarduketa guztiak baliorik gabe geratuko dira, instantziako faltsutasuna dela eta beregana dezaketen erantzukizuna baldintzatu gabe.

Aurreko betekizun guztiak eskabideak aurkezteko epea bukatzen den egunerako bete beharko dira, baita hautapen prozedurak eta kontratazioak iraun bitartean ere.

3.– Eskabideak

Deialdian parte hartzeko eskabideak I. eranskinen ereduaren arabera bete behar dira eta Baztango Udaleko bulegoetan (Foru plaza z/g, Elizondo) aurkeztu **martxoaren 26ko ordu biak baino lehen**.

4.- Epaimahaia honako kide hauek osatuko dute

- Mahaiburua: Juan Cruz Iriarte Bañez, Baztango Udaleko zinegotzia
- Ordezkoa: Joseba Otondo Bikondoa, Baztango Udaleko alkatea
- Mahaikidea: Aitor Bazterrika, Baztango Udaleko Basozaina.
- Ordezkoa: Jon Elizetxe Baztango Udaleko basozaina
- Mahaikidea: Tomas Alberro, Baztango Udaleko mantenimenduko langilea
- Ordezkoa: Xabier Arrastua, Baztango Udaleko mantenimenduko langilea
- Mahaikidea: Baztango Udaleko langileen ordezkari sindikala.
- Mahaikide idazkaria: Baztango Udaleko idazkaria.

Hautaprobak hasi baino lehen eratu da epaimahaia.

Epaimahaia ezin izanen da eratu, ezta jardun ere, kideen gehiengo osoa gutxienez bildu gabe. Epaimahaiak gehiengo erabakiko ditu deialdi hauen oinarriak ulertu eta aplikatzeko moduz sor daitezkeen gorabehera guztiak

Epaimahaiak aholkulari espezialistak hartzen ahalko ditu probarako, eta horiek beren espezialitate teknikoetan baizik ez dira ariko, eta haietan bakarrik emanen diete laguntza epaimahaikoei.

5.- Hautaprobaren garapena eta balorazioa

5.1.- Hautapen prozesua apirilaren 2 edo 3an abiatuko da.

Probak egiteko datak alde aurretik jakinaraziko dira Baztango Udaleko iragarki oholean eta web gunean gutxienez 48 ordu lehenago.

5.2.- Epaimahaiak, antolaketak hala eskatuko balu, izangaiekin hainbat talde egiteko aukera izanen du, beti ere, aurreko epigrafean zehazten diren komunikabideen bidez behar bezala jakinaraziz gero. Izangaiek Nortasun Agiria aurkeztu behar dute proba guztietan.

6.- Lehiaketa-aldiaren Balorazioa (30 puntu)

6.1.- Oinarri hauetan jasotakoaren arabera merituen arabera, eskabidearekin batera akreditatu behar dituzte.

6.2.- Epai-mahaiak kontrataziorako gai diren izangaien meritu egiaztatuak baizik ez ditu baloratuko, oinarri hauetan ezarritakoaren arabera.

Emandako gehienezko puntuazioa 30 puntukoa izanen da, ondorengo baremoari jarraituz

- Meritu akademikoak: Gehienez ere, 10 puntu izanen dira.

1. Ondorengo erdi-mailako titulu bat edo pareko bat izateagatik (5 puntu):

1. Lorezaintza.
2. Baso-lanak.
3. Zibil Eraikuntza eta obra zibileko alorrekoa.
4. Instalazio elektroteknikoak
5. Soldadura

Egiaztagiriak: izangaiek aurkeztutako merituei dagozkien titulu edota agirien fotokopia konpultsatuak, organo eskudunak emanak.

- Formakuntza: gehienez ere, 5 puntu izanen dira:

Deialdian zehazturiko lanekin loturiko gainditutako formakuntza edota trebakuntza, 20 orduko ikastaroengatik puntu 1 araua jarraituz.

6.3.-Deialdian zehazturiko lanpostuaren antzeko lanetan jardun izana baloratuko da. Gehienez ere 20 puntu lortzen ahal dira.

Antzeko lanetan jardun izana honela baloratuko da: lan egindako hilabete bakoitzarengatik 1 puntu. Bizi laborala eta Enpresa ziurtagiriak edo lan kontratuak aurkeztu beharko dira.

7.- Oposizio-aldia

Oposizio-aldian ondorengo proba egin beharko dute.

7.1.- Lehendabiziko proba. Proba praktikoa. Gehienez ere 70 puntu eskuratzen ahal dira.

Lanpostuan egin beharreko lanei loturiko 2 ariketa praktiko egin beharko dituzte (lozezaintza, iturgintza, igeltserotza, elektrizitatea...). Proba bakoitzak gehienez ere 30 minutuko iraupena izanen du. Iraupena, dena den, proba egiterakoan zehaztuko da. Ariketa bakoitza 35 puntukoa izanen da.

Bi ariketen emaitzak batuta ez badira 35 puntu lortzen, proba hau baztertzaileria izanen da.

7.2.- Proba guztiak gainditutako izangairik ez balego edo izangaiak, behar bezala egiaztatuz, Administrazio deitzailearen bidez kontratatua izateari uko eginen balio, honek probaren bat gainditutako izangai bat kontratatzen ahalko du, hautaketa prozesuan eskuratutako puntuazio-ordenaren arabera.

8.Gainditutako pertsonen zerrenda eta deialdia

8.1. Proben kalifikazioa bukatuta, Epaimahaiak Baztango Udalaren Iragarki-oholean eta web gunean argitaratuko ditu gainditutako pertsonen zerrenda ateratako puntuazio osoaren arabera eta Gobernu Batzordeari helaraziko dio behin betiko onar dezan, hautapen prozesuaren espediente osoarekin batera.

8.2. Udalak proba guztiak gainditutako izangaiak kontrataziorako deituko ditu eskuratutako puntuazio-ordenaren arabera, puntuazio handiena lortu duena kontratatuko delarik.

8.3. Kontratuduna Gizarte Segurantzaren araubide orokorrean sartu eta bertan kidetuko da; beraz, haren kontu izanen da dagokion kuota eta Pertsona Fisikoen Errentaren gaineko Zergaren atxikipena, bidezko diren kopuruetan

8.4.Probak gainditu dutenen artean, lan boltsa osatuko da, Udalaren beharren arabera erabili ahal izateko.

9.– Helegiteak.

Deialdi honen aurka, nahiz bere oinarrien eta aplikazio egintzen aurka, errekurtsio hauetakoren bat aurkezten ahalko da:

a) Berraztertze helegitea, egintzaren organo egile beraren aurrean, ebazpena jakinarazi edo argitaratu eta biharamunetik hasita hilabeteko epean.

b) Administrazioarekiko auzi helegitea Iruñeako Administrazioarekiko Auzien Epaitegiaren aurrean egintza edo errekurritutako akordioa jakinarazi edo argitaratu eta biharamunetik hasita bi hilabeteko epean.

c) Gora jotzeko helegitea Nafarroako Administrazio Auzitegiaren aurrean egintza edo errekurritutako akordioa jakinarazi edo argitaratu eta hilabeteko epearen barnean.

Epaimahai Kalifikatzailearen egintzaren aurka gora jotzeko helegitea aurkeztu ahalko da deialdia egiten duen udal organoaren aurrean, egintza edo errekurritutako akordioa jakinarazi edo argitaratu eta hilabeteko epearen barnean.

Izen-deiturak		
N.A.N/Identitate karta	Jaioteguna (urtea/hilabetea/eguna]-(e)n sortua
Gaur egungo helbidea [karrika, zenbakia, eskailera, solairua]		
Posta Kodea/Herria	Telefonoak	Helbide elektronikoa

ADIERAZTEN DUT:

Ez dudala karguan aritzea galarazten didan eritasunik edo akats fisikorik nahiz psikikorik

Indarra duten xedapenetan ezarritako ezintasunik ez dudala

Ez naizela diziplina espediente bidez inongo administrazio publikoren zerbitzutik bereizia izan, ez eta diziplinako kaleratze bidez bidalia ere, eta ez nagoela desgaituta eginkizun publikoak betetzeko

Deialdian eskatzen den titulazioaren jabe naizela.

Eskaerak aurkezteko epearen azken egunean eskakizun guztiak betetzen ditudala (espresuki langabezian egotea eta Nafarroako Enplegu Zerbitzuan eskatzaile gisa izena emanda egotea)

Eskabideari agiri hauen fotokopia konpultsatuak erantsi dizkiodala

–Nortasun agiri nazionala.

–Eskatzen den titulazio akademikoa

- Merituak

ESKATZEN DUT:

- Onartua izatea pertsona langabetuak kontratatzeko deialdian.

Baztanen, 202...(e)koren(e)an

(Sinadura)